

卷二十三

翰林院編修孫星衍

同纂

偃師縣知縣湯毓倬

藝文志

詔誥頒疏論書傳序令神道碑

詔誥

盤庚上

盤庚遷於般民不適有居率籲衆咸出矢言曰我王來
受宅于茲重我民無盡劉不能胥匡以生卜稽曰其
如台先王有服恪謹天命茲猶不常寧不常厥邑于今
五邦今不承于古罔知天之斷命矧曰其克從先王之

烈若顛木之有由葉天其永我命于茲新邑紹復先王
之大業底綏四方盤庚敷於民由乃在位以常舊服正
法度曰無或敢伏小人之攸箴王命衆悉至於庭王若
曰格汝衆予告汝訓汝猷黜乃心無傲從康古我先生
亦惟圖任舊人共政王播告之修不匿厥指王用丕欽
爾有逸言民用丕變今汝聒聒起信險膚予弗知乃所
訟非予自荒茲德惟汝含德不惕予一人予若觀火予
亦拙謀作乃逸若網在綱有條而不紊若農服田力穡
乃亦有秋汝克黜乃心施實德於民至於婚友丕乃敢
言汝有積德乃不畏戎毒於遠邇惟農自

勞不服田畝越其罔有黍稷汝不和吉言於百姓惟汝
自生毒乃敗禍茲究以自災於厥身乃旣先惡於民乃
奉其恫汝悔身何及相時愷民猶胥顧於箴言其發有
逸口矧予制乃短長之命汝何弗告朕而胥動以浮言
恐沈於衆若火之燎於原不可謂邇其猶可撲滅則惟
爾衆自作弗靖非予有咎遲任有言曰人惟求舊器非
求舊惟新古我先王暨乃祖乃父胥及逸勤予敢動用
非罰世選爾勞予不掩爾善茲予大亨於先王爾祖其
從與享之作福作災予亦不敢動用非德予告汝於難
若射之有志汝無侮老成人無弱孤有幼各長於厥居

勉出乃力聽予一人之作猷無有遠邇用罪伐厥死用德彰厥善邦之臧惟汝衆邦之不臧惟予一人有佚罰凡爾衆其惟致告自今至於後日各恭爾事齊乃位度乃口罰及爾身弗可悔

盤庚中

盤庚作惟涉河以民遷乃話民之弗率誕告用亶其有衆咸造勿褻在王庭盤庚乃登進厥民曰明聽朕言無荒失朕命嗚呼古我前后罔不惟民之承保后胥戚以不淨於天特殷降大虐先王不懷厥攸作視民利

汝民其各恭爾事齊乃位度乃口罰及爾身弗可悔

今比於罰予若顧懷茲新邑亦惟汝故以丕從厥志今
予將試以汝遷安定厥邦汝不憂朕心之攸困乃咸大
不宣乃心欽念以忱動予一人爾惟自鞠自苦若乘舟
汝弗濟臭厥載爾忱不屬惟胥以沈不其或稽自怒曷
廖汝不謀長以慙乃災汝誕勸憂今其有今罔後汝何
生在上今予命汝一無起穢以自臭恐人倚乃身迂乃
心予迓續乃命于天予豈汝威用奉畜汝衆予念我先
神后之勞爾先予丕克羞爾用懷爾然失於政陳于茲
高后丕乃崇降罪疾曰曷虐朕民汝萬民乃不生生暨
予一人猷同心先后丕降與汝罪疾曰曷不暨朕幼孫

有比故有爽德自上其罰汝汝罔能廸古我先后既勞
乃祖乃父汝共作我畜民汝有戡則在乃心我先后綏
乃祖乃父乃祖乃父乃斷棄汝不救乃死茲予有亂政
同位具乃貝玉乃祖乃父丕乃告我高后曰作丕刑于
朕孫廸高后丕乃崇降弗祥嗚呼今予告汝不易承敬
大恤無胥絕遠汝分猷念以相從各設申于乃心乃有
不吉不廸顛越不恭暫遇姦宄我乃剿殄滅之無遺育
無俾易種于茲新邑往哉生生今予將試以汝遷本堂
乃家

盤庚下

盤庚下

遷奠厥攸居乃正厥位綏爰有衆曰無戲怠
大命今予其敷心腹腎腸歷告爾百姓于朕志罔罪
爾衆爾無共怒協比讒言予一人古我先王將多于前
功適于山用降我凶德嘉績于朕邦今我民用蕩析離
居罔有定極爾謂朕曷震動萬民以遷肆上帝將復我
高祖之德亂越我家朕及篤敬恭承民命用永地于新
邑肆予冲人非廢厥謀弔由靈各非敢違卜用宏茲賁
嗚呼邦伯師長百執事之人尚皆隱哉予其懋簡相爾
念敬我衆朕不肖好貨敢恭生生鞠人謀人之保居叙
欽今我既羞告爾于朕志若否罔有弗欽無總于貨寶

生生自庸式敷民德永有一心

明英宗賜劉溫郝隆魏彙爲義民詔

制曰國家施仁養民爲首爾等能出穀若干石用助賑濟有司以聞朕嘉賴之特賜勅獎諭勞以羊酒旌爲義民仍免本戶雜泛差役尚允蹈忠厚表勵風俗用副朝廷褒嘉之意欽哉故勅

頌

宋歐陽修會聖宮頌

并序

西京留守推官將仕郎試秘書省校書郎臣歐陽修謹
齊心滌慮頓首再拜言臣伏見國家采漢書原廟之制

書於永安以脩園寢欲以盛陵邑之充奉昭祖宗之
光靈以耀示於千萬世甚盛德也修永惟古先王者將
有受命之符必先興業造功以警動覺悟於元元然後
有其位而繼體守文之君又從而顯明丕大以纂修乎
舊物故其兢兢勤勤不忘前人是以前深而葉茂德厚
而派光子子孫承之無疆伏惟皇帝陛下以神聖之
德傳有大器乾健而正離繼而明卽位以來於茲十年
勤邦儉家以修太平日朝東宮示天下孝親執籩豆三
見於郊日星軌道光明清濶河不怒溢東南而流四夷
承命歡和以賓奔走萬里顧非有干戈告讓之命文移

發召之期而犀珠象牙文馬鼓玉旅於闕庭納於廐府
如司馬令無一後先至德之及上格於天下極於地中
浹於人而外冒於四表昆蟲有命之物無不仰戴神威
聖功效見如此太祖創造基始克成厥家當天受命之
功太宗征服綏來遂一海內膺武英文之業真宗禮樂
文物以隆天聲升平告功之典陛下夙夜虔共嗣固鴻
業纂服守成之勤基構累積顯顯昌昌益大而光稱於
三后之意可謂至孝况春秋歲時以禘以祫則有廟祫
之嚴配天昭孝則有郊廟明堂之位篆舍刻石則有史
氏之官歌功之詩流於樂府象德之舞見乎羽毛雉

氏之官歌功之詩流於樂府象德之舞見乎羽毛惟是
邦家之光祖宗之爲有以示民而垂無窮者罔不官
隆下承先烈昭孝思所以奉之以嚴罔不勤備聖人之
德謂無以加而猶以爲未也乃復因陵園起宮室以望
神游土木之功嚴而不華地爽而潔宇敞而邃神靈杳
冥如來如宅合於禮經孝子警咳思親之義愚以爲官
且成非天子自臨享則不能以來三后之靈然郡國不
見治道太僕不先整屬恬然未聞有司之詔豈難於動
民而遲其來耶特以龜筮所考類吉而後行耶不然何
獨留意屋牆構築而至於薦見孝享未之思耶況是官
之制夷山爲平外取客土鍛石伐木發兵胥靡調旁近

郡如此數年而道路之民徒見興爲之功恐愚無以識
上意是宜不惜屬車之費無違數日之勞沛然幸臨因
展陵墓退而諭民以孝思之誠遽見守土之臣采風俗
以問高年亦堯舜之事也古者天子之出必有采詩之
官而道路童兒之言皆得以聞臣是以不勝惓惓之心
謹采西人望幸意作爲頌詩以獻闕下詞曰

巍巍穹崇奠京之東有山而崧瀟淪道源匯流而淵有
洛之川川靈山秀回環左右有高而阜其阜何名太祖
太宗真宗之陵惟陵之制因山而起隱隱隆隆惟陵之
氣常王而喜鬱鬱鬱鬱常懷穹旻受命我皇肇造而於

氣常王而喜鬱鬱其華帝懷宵旰受命我皇建國懷之
德念先利用顧余家宣力以勤赫赫三后重基累
而茂燕翼貽謀是惟承圖其傳在予曰祖曰宗有德
有功予實嗣之克勤克紹以孝以報予敢不思惟此園
陵先后之宅既宅且安后來游止弗宮弗室神何以驩
迺相川原乃得善地地高惟迺迺以荆灼迺訊寶龜龜
告曰猷帝命家臣而職我事而往惟寅一毫一絲給以
縣官無取於民伐洛之薪陶洛之土瓦不病窳柯我之
斧登我之山木好且堅家臣之來役夫萬名三年有成
宮成翼翼在陵之側須后來格有門有宇有廊有廡有
庭有序殿兮耽耽黼黻瞻瞻天威可瞻庭兮殖殖鉤盾

虎戟容衛以飭太祖維兄太宗維弟眞宗維子三聖疑
疑有以正位於此而會聖兮在天風馬雲車其來僊僊
聖會於此靈威神馭其宮肅然聖既降矣其誰格之惟
孝天子聖降當享其誰來薦亦孝天子孝既克祗而來
胡遲其下臣修作頌風之

文忠公集

宋李稅嘉禾頌

皇帝卽位之三年洛之偃師得嘉禾異畝同穎縣令臣
稅再拜受禾獻狀於府府以圖上推古按牒以蹟厥理
惟食在民功食配天而民惟國本本固則寧故王者
農重穀以育天下然則瑞之在禾明務本也異本

農重穀以育天下然則瑞之在禾刈務本也異本國
示無外也神爵赤雁芝房奇木之祥比茲福矣恭惟
帝陛下嗣統以來祇事天地小心翼翼念茲稼穡愛惜
民力澤淪萬功下漏泉壤故誕降靈符以顯殊應審天
鑒之不遠覩降祥而益恭瑞之美者孰大於是臣職司
是邑弗頌弗揚臣實劣謏謹拜首稽首而作頌曰
於皇化淳開乾格坤丕顯厥耀毓祥闡珍酌我田惟
億惟衍茲秀浥靈協穰殊畝農曰噫嘻獻於縣令令受
偃偻以歸於府府不敢有歸於元后皇帝曰嘉天錫茂
祉予寶非祥筆在太史

國朝張楠瑞穀頌

康熙二十七年秋八月偃師縣廟前村嘉禾莖生一莖
三穗申報一時稱瑞爰作頌曰

戊辰之歲稽事有秋浮邱之野惠我興謳靈產嘉穀瑞
靄平疇一莖三穗今古稱尤豐年兆慶狼戾盈篝遺秉
滯穗曷承茲休歸之於天冥穆惟幽還之於地大塊悠
悠問之農人熟悉厥由海隅丕冒懿德作求嘉祥聿至
允矣

皇猷

省志

疏

漢樊準薦龐參疏